

世

本





世 本

宋 衷 注
蒧 泮 林 輯

編主五雲王

編初成集書叢

本 世

中華民國二十六年十二月初版

注 者 宋 衷

輯 者 茆 泮 林

發 行 人 王 雲 五
長 沙 南 正 路

印 刷 所 商 務 印 書 館
長 沙 南 正 路

發 行 所 商 務 印 書 館
各 埠

(本書校對者龍旭光)

世本十五篇。見漢藝文志。蓋古史官所記也。其書舊目不可復得。今可識者。世本有帝繫篇。見書序正義。又釋元應一切經音義二十三。有世本本紀。見春秋穀梁襄二十五年疏。史三代世表索隱。左襄二十一年正義引世本記。記紀同也。有世本世家。見左桓三年閔二年襄二十一年二十九。年定元年正義。史田齊世家索隱。有傳。見史魏世家索隱。有譜。見隋經籍志。又有氏姓篇。見左隱十一年正義及史秦本紀集解。有居篇。見史吳世家魏世家索隱。有作篇。見周禮及禮記鄭注。禮正義亦云。世本有作篇。又當有諡法一篇。見沈約諡法序。故司馬遷作史記。多依用之。然春秋正義云。今之世本。與遷言多有不同。如世本陳無利公。見左桓十一年正義。韓無列侯。趙無武公。田齊無悼子及侯刻。見史索隱。大抵秦火之餘。轉寫訛脫。孔穎達諸儒得此失彼。往往以爲未可據信。其實非原書之失也。至如世本無有陽國。見左閔二年正義。世本無魏君名諡。檜君號諡。并見左襄二十九年正義。杜預釋例引世本無許叔。皆晉唐人所見之本。雖非原書。然猶可想見此書之舊。又如史夏本紀索隱引世本妣姓。不云彤城及褒。殷本紀索隱引世本子姓無稚氏。孔子世家索隱引世本無漆姓。亦並足與後來氏姓之書互相取證。王應麟讀孟子注。謂可備參考。良有以也。他如世本琵琶不載作者引見初學記。引傅元琵琶賦序。則世本作篇之所載者。不可不知。其書至宋已不傳。國朝錢大昭嘗據書傳所引。集爲作篇。居篇。氏姓篇。王侯大夫譜。共四篇。孫馮翼復據諸書補其未備。刊載問經堂叢書中。然其中失載者亦夥。至孫星衍所藏淡生堂抄輯世本二卷。洪

飴孫所編世本四卷。外間俱未之見。江都秦嘉謨因其書作世本輯補刊行。而所補者類皆司馬遷章昭杜預之說。注欠分曉。多與世本原文相汨。轉覺世本一書蕩然無復畧界矣。泮林輯爲此書。與秦同時。繼聞秦書刊行。遂置不錄。而又終恐後日之以似失真也。爰仍據所輯舊稿。釐爲六卷。錄成一編。并附纂證法數條於後。庶幾周秦以上之書。可藉是以傳其舊。且其中尤有補秦書之所未備者。考古者或有取焉。爾道光元年冬十月高郵茆泮林識。

世本諸書論述

尙書序正義曰。大戴禮。帝繫出於世本。

周禮。瞽朦諷誦詩。世奠繫。鄭元注曰。世之而定其繫。謂書於世本也。

周禮。小史掌邦國之志。定繫世。辨昭穆。鄭元注曰。帝繫世本之屬。孔穎達疏。天子謂之帝繫。諸侯謂之世本。

漢書藝文志。世本十五篇。古史官記黃帝以來迄春秋時諸侯大夫。

漢書梅福傳。綏和元年。以世本相明封孔子世。

漢書司馬遷傳贊曰。孔子因史記而作春秋。而左邱明論輯其本事以爲之傳。又纂異同爲國語。又有世本。錄黃帝以來至春秋時帝王公侯卿大夫祖世所出。春秋之後。七國並爭。秦兼諸侯。有戰國策。漢興。代秦定天下。有楚漢春秋。故司馬遷據左氏國語。采世本戰國策楚漢春秋。接其後事。

案史集解索隱正義序多引之。

漢 宋 衷注
清 茆泮林輯

後漢書班彪傳漢書略論曰。唐虞三代。世有史官。以司典籍。暨於諸侯。國自有史。故定哀之間。左邱明論集其文。作左傳三十篇。又撰國語二十篇。又有記錄黃帝以來至春秋時帝王公侯卿大夫。號曰世本。一十五篇。春秋之後。則有戰國策三十三篇。漢興。陸賈作楚漢春秋九篇。孝武之世。太史令司馬遷采左氏國語。刪世本戰國策。據楚漢列國時事。上自黃帝。下迄獲麟。作本紀世家列傳書表。凡百三十篇。

又曰。夫百家之書。猶可法也。若左氏國語世本戰國策楚漢春秋太史公書。今之所以知古。後之所由觀前。聖人之耳目也。

韋昭國語解序曰。以世本攷其流。

隋書經籍志。世本王侯大夫譜二卷。世本二卷。劉向撰。世本四卷。宋衷撰。

案史記集解序索隱引劉向曰。世本。古史官明於古事者之所記也。錄黃帝以來帝王諸侯及卿大夫系謚名號。凡十五篇。據此。蓋別錄之文。當是秦火之餘。劉向從校書後錄出。非即劉向撰也。又案王應麟玉海五十。亦曰。司馬遷已采世本。恐非向撰。若宋衷。則世本

之攢
注者。

又曰。漢初得世本。叙黃帝以來祖世所出。

舊唐書經籍志。世本四卷。宋衷撰。世本別錄一卷。帝譜世本七卷。宋均注世本譜二卷。新唐書藝文志。宋衷世本四卷。別錄一卷。宋均注帝譜世本十卷。王氏注世本譜二卷。

王應麟玉海四十七。案藝文志唐十三類史錄譜牒類。世本至著姓略記十七家。三十九部。一千六百一十七卷。又案唐六典史類十二曰譜系以紀氏族繼序。世本等四十一部。三百六十卷。譜牒之書以世本爲首。

劉知幾史通曰。帝王苗裔。公侯子孫。餘慶所宗。百世無絕。能言吾祖。郟子見師於孔公。不識其先。籍談取諂於姬后。故周撰世本。式辨諸宗。楚置三閭。實掌王族。

春秋左傳孔穎達正義曰。杜君采太史公書世本。旁引傳記。以爲世族譜。略記國之興滅。又曰。杜據世本史記。作世族譜。說諸國滅亡之年。

柳冲進姓族系錄表曰。姓氏之初。世本著其義。昭穆之敍。周譜列其風。

柳芳族譜總論曰。氏族者。古史官所記也。昔周小史定繫世。辨昭穆。故古者有世本。錄黃帝以來。至春秋時諸侯卿大夫名號。繼統。秦旣滅學。諸侯子孫失其本系。漢興。司馬遷父子乃約世本。修史記。因周譜明世家。乃知姓氏之所由出。

歐陽修帝王世次圖序曰。司馬遷作本紀。出於大戴禮世本諸書。今依其圖而考之。堯舜夏商周。同出黃帝。

劉恕通鑑外紀。世本經秦歷漢。儒者改易。

鄭樵通志氏族略序曰。凡言姓氏者。皆本世本公子譜二書。二書皆本左傳。

王應麟漢志攷引顏之推云。世本左邱明所作。

此說出皇甫謐帝王世紀

而有燕王喜漢高祖。非本文也。

顏說見家訓書證篇

王應麟玉海五十。引晁氏志云。唐張九齡撰姓源韻譜。依春秋正典世本圖。摭摭諸書。纂為此譜。分四聲。以便尋閱。

帝王世本

案周禮替矇世奠繫注引杜子春云繫謂帝繫諸侯卿大夫世本之屬是也元謂世之而定其繫謂書於世本也疏謂後鄭以世與繫為一事解之對文言之王謂之帝繫諸侯卿大夫謂之世本散則通故云書於世本世本即帝王繫也故今輯為帝王世本諸侯世本卿大夫世本

黃帝

案書正義世本以黃帝為首史正義世本以黃帝顓頊帝舉唐堯虞舜為五帝史正義索隱又引孫氏注世本以伏羲神農黃帝為三皇以少昊顓頊高辛唐虞為五帝孫氏未知何時人今輯依黃帝為首故略史後紀主有引世本尊虛氏在伏羲後之文棄而不錄而以諸書所引世本少傳文敘錄於次

注號有熊者以其本是有熊國君之子故也亦號軒轅氏史五帝本紀索隱單行本

黃帝娶於西陵之女謂之纁祖產青陽及昌意山海經海內經注黃帝娶西陵氏女為妃名纁祖廣韻十一齊注

少皞。

少皞是黃帝之子。左昭元年正義金天氏少皞。全上青陽即是少皞。黃帝之子。代黃帝而有天下。號曰金天氏。左昭十七

年正少昊名摯。路史後紀注少昊。黃帝之子。名契。字青陽。黃帝沒。契立。王以金德。號金天氏。同度量。調律呂。封

泰山。作九泉之樂。以鳥紀官。全上

宋衷曰。元囂青陽。即少昊也。史五帝本紀索隱又曰。元囂青陽。是為少昊。繼黃帝而立者。而史不敘。蓋少昊金

德王。非五運之次。故敘五帝。不數之也。全上三代世表引同。無而史不敘四字。

顓頊。

顓頊是黃帝之孫。左昭元年正義黃帝生昌意。昌意生顓頊。山海經海內經注昌意生高陽。是為帝顓頊。顓者專也。頊者

正也。言能專正天之道也。玉篇頁部。案顓者專也。下似非本文。

玉篇頁部。案顓者專也。下似非本文。

宋衷曰。顓頊名高陽。有天下號也。史五帝本紀索隱。

顓頊母濁山氏之子。名昌僕。山海經海內經注。顓頊娶於滕墳氏之子。謂女祿。是生老童。山海經大荒西經注。御覽一百三十五。

宋衷曰。滕墳。國名。御覽全上。路史國名紀引宋衷注作勝奔。

顓頊生稱。稱生卷章。路史後紀注。高陽生稱。稱生卷章。卷章生黎。左襄二十九年正義。老童娶於根水氏。謂之驕福。生重

及黎。山海經大荒西經注。鄧名世姓氏書辨證引老童娶根水氏女。路史後紀注引根水作根水。元和姓纂二十五寒引老童娶安是女。老童生重黎及吳回。史楚世家集解。索隱單行本引老童生重黎。

陸終六子。附。

陸終娶鬼方氏之妹。謂之女隤。是生六子。孕三年。啓其左脅。三人出焉。破其右脅。三人出焉。水經注。

注。鬼方於漢。則先零戎是也。文選趙充國頌注。

其一曰樊。是為昆吾。昆吾者衛是也。史楚世家集解引下一語。索隱引上二語。下併同。今據水經洧水注引鄆人條併為一。

宋衷曰。昆吾國名。己姓所出。史楚世家索隱下併同。

二曰惠連。是為參胡。參胡者韓是也。

宋衷曰。參胡國名。斯姓。無後。

三曰錢鏗。是為彭祖。彭祖者彭城是也。姓錢名鏗。在商為守藏吏。在周為柱下史。壽八百歲。
莊子釋文論語正義。

四曰求言。是為會人。會人者鄭是也。水經清水注引求言作萊言。

宋衷曰。求言名也。妘姓所出。郟國也。

其五曰安。是為曹姓。曹姓者邾是也。

宋衷曰。安名也。曹姓者諸曹所出也。

六曰季連。是為非姓。非姓者楚是也。

宋衷曰。季連。名也。芈姓。諸楚所出。楚之先。

帝嚳。

嚳。黃帝之曾孫。路史後紀注。

帝嚳卜其四妃之子。皆有天下。上妃有郤氏之女。曰姜嫄。而生后稷。次妃有娥氏之女。曰簡狄。而生契。

次妃陳鋒。史五帝本紀氏之女。曰慶都。生帝堯。下妃姬訾氏之女。曰常儀。生摯。詩生民正義。藝文類聚十引與詩正義略同。御覽一百三十五

引有脫字。帝嚳上妃有郤之女。曰姜原。史外戚世家索隱。路史後紀注引嫫為上妃。

宋衷曰。高辛。地名。因以為號。嚳名也。史五帝本紀索隱。

帝堯。

堯是黃帝曾孫。書堯典正義。黃帝生元囂。元囂生僑極。僑極生帝嚳。帝嚳生堯。全上。帝堯為陶唐氏。書五子之歌正義。帝堯

娶散宜氏之子。謂之女皇。御覽一百三十五。女皇生丹朱。路史後紀注。

宋衷曰。是生丹朱。御覽全上。

帝舜。

舜是黃帝八代之孫。書堯典正義。舜為高陽五世孫。路史後紀注。顓頊生窮係。史三代世表索隱。

宋衷曰。一云窮係。諡也。史索隱全上。

帝舜有虞氏。路史後紀注。配以盲嫫以嫜。從上增。史帝紀索隱引女瑩。盲即娥皇。字娥姪。嫜即女英。路史全上。

舜時西王母獻白環及玦。藝文類聚六十七。文選景福殿賦。與陳伯之書注。併引世本。玦作佩。

夏。

顓頊生鯀。山海經海內經注。鯀為顓頊子。史夏本紀索隱。鯀娶有辛氏。謂之女志。是生高密。全上。御覽一百三十五。

宋衷曰。高密。禹所封國。史索隱全上。

顓頊生繇。繇生高密。是為禹也。玉篇骨部。路史後紀注引繇生高密。是為禹。宋曰禹之封國。禹娶塗山氏。名女媧。史夏本紀。索隱路史後紀注引女媧作后媧。

啓。禹子。書益稷正義。

帝杼。史夏本紀索隱。

帝芬。上。全。

帝降。上。全。

帝皋。生發及桀。上。全。帝皋。生發及履癸。履癸一名桀。史三代世表索隱。

宋衷曰。帝皋墓在殺南陵。史全上。

般。

契是帝嚳子。書帝嚳序正義。

契生昭明。昭明生相土。相土生昌若。昌若生曹圉。史殷本紀索隱引作糧圉。曹圉生根國。根國生冥。禮祭法正義。

案史記殷本紀無根國一世。鄭注禮云。冥契之六世孫也。康成必有所據。孔疏引世本作證。仍作曹圉。竊疑索隱所見糧圉。係字形相近。轉寫脫根國之譌。

宋衷曰。冥為司空。勤其官事。死於水中。殷人郊之。史殷本紀集解。

冥子核。史殷本紀索隱。

湯名天乙。書釋文引馬融注論語正義。

太甲。湯孫。左襄二十一年正義。太甲。太丁子。書伊訓序正義。

太甲崩。子沃丁立。書沃丁序正義。

小甲。太庚子。史三代世表索隱。